

تاریخ دباچ : 23 نوؤمبر 2018 / 15 ربیع الأول 1440ھ



## خطبة جمعة

تاجوق:

"منفعتكن چوتی سکولہ"

\*\*\*

تربیتن :

اونیت خطبة، بہاکن قغوروسن مسجد

جابتن اگام اسلام سلاغور



## سناراي اهلي جاوتنكواس خطبة نكري سلاڱور

- 1- صاحب السعادة داتوء حاج حاريس بن قاسم  
فڱاره جائس (فڱوروسي)
- 2- توان حاج محمد بصاري بن عمر  
منتن تيمبلن فڱاره، جائس (اهلي)
- 3- كتوا فڱولوڱ فڱاره  
بهاڱين فڱوروسن مسجد، جائس (ستيا اوسها)
- 4- صاحب السماحة داتوء دوكتور حاج انهاربن حاج اوفير  
تيمبلن مفتي، جابتن مفتي نكري سلاڱور (اهلي)
- 5- أستاذ محمد فرحان بن ويجاي  
إمام بسر مسجد سلطان صلاح الدين عبد العزيز شاه (اهلي)
- 6- أستاذ ايندرا شهريل بن محمد شهيد  
فڱاواي مجلس اگام اسلام سلاڱور (اهلي)
- 7- توان حاج عبدالحليم حافظ بن صالحين  
كتوا فڱولوڱ مفتي (فتوى)، جابتن مفتي نكري سلاڱور (اهلي)
- 8- داتوء حاج عبد المجيد بن عمر  
اهلي جاوتنكواس فتوى نكري سلاڱور (اهلي)
- 9- يغ برهاڱيا دوكتور حاج عثمان بن حاج صبرن  
منتن فڱشرح اونيفورسي تي ايندوستري سلاڱور (UNISEL) (اهلي)
- 10- توان حاج حميد بن مت عيسى  
فڱشرح، كوليڱ اونيفورسي تي اسلام انتارابڱسا سلاڱور (اهلي)
- 11- توان حاج مد سهاري بن عبدالله  
اهلي جاوتنكواس فتوى نكري سلاڱور (اهلي)
- 12- أستاذ خيرالعزمي بن خيرالدين  
فڱولوڱ فڱاره اونيت خطبة بهاڱين فڱوروسن مسجد، جائس (اوروس ستيا)



## "منفعتکن چوتی سکولہ"

الْحَمْدُ لِلَّهِ الْقَائِلِ : وَالْعَصْرُ ﴿١﴾ إِنَّ الْإِنْسَانَ لِفِي خُسْرٍ ﴿٢﴾  
إِلَّا الَّذِينَ ءَامَنُوا وَعَمِلُوا الصَّالِحَاتِ وَتَوَّاصَوْا بِالْحَقِّ وَتَوَّاصَوْا

بِالصَّبْرِ ﴿٣﴾<sup>1</sup>

أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ وَأَشْهَدُ أَنَّ  
مُحَمَّدًا عَبْدُهُ وَرَسُولُهُ. اللَّهُمَّ صَلِّ وَسَلِّمْ عَلَى سَيِّدِنَا  
مُحَمَّدٍ وَعَلَى آلِهِ وَصَحْبِهِ أَجْمَعِينَ. أَمَّا بَعْدُ، فَيَا أَيُّهَا  
الْمُسْلِمُونَ! اتَّقُوا اللَّهَ، أَوْصِيكُمْ وَإِيَّايَ بِتَقْوَى اللَّهِ فَقَدْ  
فَازَ الْمُتَّقُونَ. قَالَ اللَّهُ تَعَالَى: يَا أَيُّهَا الَّذِينَ ءَامَنُوا اتَّقُوا  
اللَّهَ حَقَّ تَقَاتِهِ وَلَا تَمُوتُنَّ إِلَّا وَأَنْتُمْ مُسْلِمُونَ.

مسلمین یغ درحمتی اللہ سکالین،

قد هاري جمعة یغ قنوه دغن رحمة دان  
کبرکتن این ساي ایغین برقسن کقد دیری ساي  
دان قارا جماعه اونتوق سام ۲ منیغکتکن کایمانن  
دان کتقواءن کقد اللہ دغن سنتیاس ملاکوکن

<sup>1</sup> Al-Asr : 1-3.



سڪالا ڦرينتهن دان منيڱكلڪن سڪالا لارڱن.  
موده-مودهن، ڪيت ترڪولوڱ دالم ڪالڱن همباش يڱ  
براوليہ ڪهاڪياءن دان ڪسجهتراءن دنيا دان  
دأخيرة

برسمقنا دڱن چوتي ڦرسڪولهن اخير تاهون  
يڱ بارو برمولا، ماريله سام ۲ ڪيت حياتي خطبة  
قد هاري اين دباوه تاجوق "منفعتڪن چوتي  
سڪوله."

سبلوم مزوسڪن خطبة اين، خطيب ايڱين  
مغيڱتڪن حاضرين جمعة سڪالين اڪن ڦسنن  
رسول الله ﷺ سوڦاي داقت منومڦوڪن ڦرهاتين  
ڪقد خطبة يڱ اڪن دسمڦايڪن. جاڱنله برچاڪڦ-  
چاڪڦ دان ملاڪوڪن ڦرڪارا يڱ سيا ۲، ترماسوقله  
مڱڪوناڪن تيليڦون بيمبيت ڪتيڪ خطيب سدڱ  
ميمڦايڪن خطبة.



حاضيرين يڱ دكاسيهي الله سبحانه وتعالى  
سكالين،

چوتي سڪوله كمبالي لائي. اينيله ماس يڱ  
دتوڱگو-توڱگو اوليه انق ۲ يڱ برسڪوله لنترن  
مريڪ تيدق لائي ترايكت دغن بوکو ۲ فلاجرن،  
اكتيفيتي كوكوريكولوم (kokurikulum) اتاو فون  
كلس تمهن. فينديق كات، سبارڱ ڦرڪارا يڱ  
برڪاءيتن سڪوله تيدق لائي منجادي ڦرهاتين  
مريڪ. ماله، راماي يڱ براڱڱن، اينيله ماساڱ  
اونتوق مريڪ بريحت، برسرونوق دان ملاكوكن  
سسواتو يڱ دكمري مريڪ عقيبة كڱن ماس دان  
ڦلواڱ سوقتو سيسي ڦرسڪولهن برلغسوغ.  
جوسترو، كيت هندقله ممستيكن انق ۲ تيدق  
ليڪ دان منسيا-سياكن ماس لاقڱ يڱ امت  
برهرڪ. حديث درقد ابن عباس رضي الله عنه:

نِعْمَتَانِ مَغْبُونٌ فِيهِمَا كَثِيرٌ مِنَ النَّاسِ الصِّحَّةُ  
وَالْفَرَاعُ



"دوا نعمت یغ سریع مفردي ماء نسي:  
کصیحتن دان کلاقن ماس."  
(روایة البخاری).

مسلمین سکالین،

ایغتلہ ماس ایت عبارت امس. اوغکقن این  
بیاسا دسبوت-سبوت باکی مغمبرکن بتاف ماس  
ایت ساغت برهرک. این کران فرکارا یغ قالیغ  
برهرک ستله ممیلیکی ایمان دان اسلام دالم  
دیری اداله ماس.

مزوسی القرءان الله سبحانه وتعالی بایق  
برسومقه دغن ماس سباکای فریغتن بتاف  
قنتیغن ماس کقد کیت. سباکایمان مقصود ایات  
یغ دباچاکن دأول خطبة تادی دالم سورة العصر  
ایة 1-3. سلاءین ایت الله سبحانه وتعالی جوک  
سریغ مغمبرکن کقنتیغن ماس دغن مپبوت  
وَالضُّحَى (دمی وقتو ضحی)، وَاللَّيْلِ إِذَا سَجَى (دان



مالم اقابيلا اي سوي سقي)، وَالصُّبْحِ إِذَا تَنَفَّسَ  
(دان سياغ، اقابيلا اي مولا اي ترغ).

اين منونجوكن بهاوا ماس ايت اداله نعمت  
الله يڠ ساغت برنيلاي. امام فخر الدين الرازي  
كتيك منتفسيركن سورة العصر بركات:

فَكَأَنَّهُ تَعَالَىٰ أِقْسَمَ عَلَىٰ أَنَّ الدَّهْرَ وَالْعَصْرَ  
نِعْمَةٌ حَاصِلَةٌ لَّا عَيْبَ فِيهَا إِنَّمَا الْخَاسِرُ الْمَعْيِبُ هُوَ  
الْإِنْسَانُ.

"سأوله-اوله الله تعالى برسومقه بهاوا ماس  
دان وقتو ايت اداله نعمت يڠ برحاصيل، تباد  
عائيب قداث، هاش ساش يڠ روخي دان عاييب ايت  
اداله مائسي."

(تفسير الكبير).

مسلمين يڠ دكاسيبي الله سكالين،

اورغ يڠ بيڠق اداله اورغ يڠ مڠكوناكن ماس  
دغن سباءيق-باءيقش. دالم حال اين، قرنن ايبو



باڤ اداله قرو باكي ممستيكن انق ۲ داقت  
ملاكوكن اکتیویتي برمنفعة سقنچ چوتي  
قرسکولهن. بیاساڭ، انق ۲ ممقوپاءي قرنچن  
ترسنديري باكي مغيسي وقتو مريک. اف یغ  
دهارقن، ايو باڤ داقت ممنتاوا اکتیویتي انق ۲  
اگر تيدق تجروموس کاره قرکارا ۲ نیکاتيف  
ممبابیتکن کروسقن مورل دان اخلاق اقاته لاکي  
برکاءیتن دغن عقیده سآورغ مسلم. اين  
منونجوقن بهاوا ايو باقاله قننتو دان قنچورق  
اوتام ماس دقن انق ۲. دروايتکن درقد أبو هريرة  
رضي الله عنه بهاوا رسول الله ﷺ برسبدا:

كُلُّ مَوْلُودٍ يُوَلَّدُ عَلَى الْفِطْرَةِ، فَأَبَوَاهُ يُهَوِّدَانِهِ أَوْ  
يُنَصِّرَانِهِ أَوْ يُمَجِّسَانِهِ

“ستياڤ انق دلاهيرکن دالم کأداءن فطره. مک  
کدوا-دوا اورغ ايو باقاپاله یغ اکن منجاديکن انق  
ايت سآورغ يهودي، نصراني اتاوا مجوسي.”  
(رواية البخاري).





حاضيرين يڱ دكاسيهي الله سكالين،

سبنرڻ، قلباڱاي اڪتيوي تي بوليه دآيسي  
سفنڱ چوتي فرسڪولهن. سباڱاي فرڪوڱسين  
ڦنڱن ڪڏ ڦارا جماعه خصوصن يڱ ممقوپاءِ  
انق ۲ برسڪوله، انتارا اڪتيوي تي ۲ يڱ بوليه  
دلاڪون سفنڱ چوتي سڪوله اداله:

1. عماره مسجد مليبتڪن انق ۲ دڱن  
اڪتيوي تي ۲ مسجد سڦرتي صلاة برجماعه، ڪلس  
ڦڱاڱين، حفظن القرآن، ڪلس ۲ فرض عين،  
سمارت (smart) صلاة، دَوْرَه ۲ دان سباڱايش.
2. رحله دان برڪيله. دڱن ڪات لاءِ اين ملنچوڱ  
دان برڪيله ڪمان-مان ديستيناسي. مالوئي  
اڪتيوي تي اين، اي داقت ممبري ڦلواڱ ڪڏ مريڪ  
اونتوق مڱلي دنيا لوار سڪاليڪوس مليهت  
ڪآيندهن عالم چيڱتاءن الله سبحانه وتعالى.



فرمان الله سبحانه وتعالى دالم سورة الأنعام اية  
:11

قُلْ سِيرُوا فِي الْأَرْضِ ثُمَّ أَنْظِرُوا كَيْفَ كَانَ عَاقِبَةُ  
الْمُكَذِّبِينَ ﴿١١﴾

"كاتاكنله (واهاي محمد): "مغمبراله كامو  
دموكا بومي، كمودين قرهاتيكنله باكايمانانا عقيبة  
بوروق (يغ منيمقا) اورغ ۲ يغ مندوستاكن  
(رسول ۲) ايت."

3. كيم چوتي سكوله. فروكرم اين بياساش  
ممواتكن قلباڭاي اکتیویتي يغ براسسكن  
موتیواسي قمبيناان دان قمباغونن سرتا  
شخصية ديري، كروهانين، اخلاق دان عباده دان  
سأومقامان. دسمقيغ منداقت علمو، قغالمن دان  
مغناي راكن ۲ بارو.

4. زياره منزيارهي كلوارك تردكت دان جاوه  
سوقاي داقت مغناي دان ارتكن هوبوغن



ککلوارکاءن سرتا مڱوکوهکن هوبوڱن صله  
الرحيم. حديث درقد انس بن مالک رضي الله عنه  
بهاوا رسول الله ﷺ برسبدا:

مَنْ سَرَّهُ أَنْ يُبْسَطَ عَلَيْهِ رِزْقُهُ، وَيُنْسَأَ فِي أَثَرِهِ  
فَلْيَصِلْ رَحْمَهُ

"سياقا يغ ايڱين دلواسکن رزقيش دان  
دڱنجڱکن عمورث، هندقله مپمبوڱ هوبوڱن صله  
الرحيم."

(رواية البخاري).

مسلمين جمعة يغ برهاڱيا،

خطيب جوڱ ايڱين برڱسن کڱد سموا  
حاضيرين، جاڱنله سسکالي ممبيارکن انق ۲  
مڱهابيسکن ماس چوتي سکوله دڱن ڱرکارا يغ  
تيدق برفاءيده. ڱرکارا ۲ نيکاتيف سبئرث تيدق  
ممبنتو دالم ممڱرکمبڱکن ڱوتينسي ديرى بهکن  
ممبري کمضارتن کڱد ديرى سنديري. چونتوهنث



منونتون سیارن دان فروگرام دتیلیویشین تنقا  
قواواسن، برماین قرماینن ویديو دان تیلیفون  
قینتر تنقا حد ماس دان برجومقا کاون ۲ تنقا  
مغیرا سیاغ دان مالم.

قواوسن دان قمنتاون ایبو باف اداله ساغت  
قنتیغ باکی مغیلکن مریک منداقت کمضرتن  
سرتا ترلیبت دغن کجالا یغ تیدق برمورل. قرکارا  
این تله دقرايغتکن اولیه الله سبحانه وتعالی دالم  
سورة التحريم اية 6:

يَأَيُّهَا الَّذِينَ ءَامَنُوا قُوا أَنفُسَكُمْ وَأَهْلِيكُمْ نَارًا وَقُودُهَا  
النَّاسُ وَالْحِجَارَةُ عَلَيْهَا مَلَائِكَةٌ غِلَاظٌ شِدَادٌ لَا يَعْصُونَ اللَّهَ مَا  
أَمَرَهُمْ وَيَفْعَلُونَ مَا يُؤْمَرُونَ ﴿٦﴾

"هاي اورغ ۲ یغ برایمان، قلیهاراله دیریمو دان  
کلوارکامو دری ائی نراک یغ باهن بکرث اداله  
ماینسی دان باتو، قنجاکاش ملائکة ۲ یغ کاسر،  
کرس، دان تیدق مندرهاکائی الله ترهادق اف یغ



دقړینتهکنش کڅد مړیک دان سلالو مڅرچاکن اف  
یغ دقړینتهکن. "

حاضیرین سکالین،

سسوڅگوهش، ستیاف مؤمن یغ برتقوی اکن  
مڅهرکاءي ستیاف دتیق دان ماس. ستروسش،  
قرنن ایبو باف دالم اوسها مندیق انق ۲ اونتوق  
لبیه مڅهرکاءي ماس امت قنتیغ دمی کچمرلغن  
مړیک ددنیا دان دأخیره. کڅد انق ۲ یغ ماسیه  
دبڅکو سکوله، هرکاءيله وقتو مودامو دغن  
قرکارا ۲ یغ برفاءیده. ساله ساتو درقد لیم قرکارا  
یغ دقسن اولیه رسول الله ﷺ یاءیت 'ایغتله ماس  
لاقڅمو سبلوم ماس سیبوقمو' قرلوله درنوڅکن  
برساما-سام اکر دأخیره ننتی کیت تیدق اکن  
کروکین.



مغاخيري خطبه قد هاري اين، ماريله كيت  
سام ۲ مغامتي ببراڦ تاوجيهت دان سارنن يڱ  
تركاندوڱ ددالمش:

1. اومت اسلام هندقله يقين بهاوا ماس اداله  
امت قنتيڱ دالم كهيدوڦن سساورڱ مسلم دان  
اكن دڦرتڱوڱجوابكن داخيرة كلق.

2. اومت اسلام واجب منديديق انق ۲  
مڱهرڪائي دان مڱيسي ماس چوتي سڪوله دڱن  
ملاكوكن ڦرڪارا ۲ يڱ برفاءيده.

3. اومت اسلام سام اد ايبو باڦ دان  
مشاركت هندقله سنتياس ممنتاوان منجادي  
مات تليڱا دالم ممستيكن انق ۲ تيدق ترليبت  
دڱن ڦرڪارا ۲ يڱ سيا ۲ بهكن ممضرتكن ديري.

أَعُوذُ بِاللَّهِ مِنَ الشَّيْطَانِ الرَّجِيمِ

وَالَّذِينَ ءَامَنُوا وَاتَّبَعَتْهُمْ ذُرِّيَّتُهُمْ بِإِيمَانٍ أَلْحَقْنَا بِهِمْ ذُرِّيَّتَهُمْ وَمَا  
أَلْتَنَّهُمْ مِّنْ عَمَلِهِمْ مِّنْ شَيْءٍ ۚ كُلُّ امْرِيٍّ بِمَا كَسَبَ رَهِينٌ ﴿٢٠﴾



"دان اورغ ۲ یغ برایمان یغ دتوروت اولیه ذریه  
کتورونش دغن کأداءن برایمان، کامی هوبوغکن  
(هیمقونکن) ذریه کتورونش ایت دغن مریک  
(دالم شرک)، دان کامی (دغن ایت) تیدق  
مغورغی سدیکیثون دری قهالا عمل ۲ مریک،  
تیاف ۲ ساورغ ماعنسی ترایکت دغن عمل یغ  
دکرجاکن."

(الطور : 21).

بَارَكَ اللَّهُ لِي وَلَكُمْ فِي الْقُرْآنِ الْعَظِيمِ، وَنَفَعَنِي  
وَإِيَّاكُمْ بِمَا فِيهِ مِنَ الْآيَاتِ وَالذِّكْرِ الْحَكِيمِ وَتَقَبَّلَ  
مِنِّي وَمِنْكُمْ تِلَاوَتَهُ، إِنَّهُ هُوَ السَّمِيعُ الْعَلِيمُ.  
أَقُولُ قَوْلِي هَذَا وَأَسْتَغْفِرُ اللَّهَ الْعَظِيمَ لِي وَلَكُمْ  
وَلِسَائِرِ الْمُسْلِمِينَ وَالْمُسْلِمَاتِ، فَاسْتَغْفِرُوهُ إِنَّهُ هُوَ  
الْغَفُورُ الرَّحِيمُ.

\*\*\*\*\*

JAIS

19.11.2018



## خطبة كدوا

الْحَمْدُ لِلَّهِ الَّذِي جَعَلَنَا مِنَ الْمُسْلِمِينَ، وَرَزَقَنَا مِنَ  
الطَّيِّبَاتِ. أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ  
لَهُ، وَأَشْهَدُ أَنَّ مُحَمَّدًا عَبْدُهُ وَرَسُولُهُ. اللَّهُمَّ صَلِّ  
وَسَلِّمْ وَبَارِكْ عَلَى سَيِّدِنَا مُحَمَّدٍ وَعَلَى آلِهِ  
وَصَحْبِهِ، وَمَنْ تَبِعَهُمْ بِإِحْسَانٍ إِلَى يَوْمِ الدِّينِ. أَمَّا  
بَعْدُ، فَيَا عِبَادَ اللَّهِ، اتَّقُوا اللَّهَ، أُوصِيكُمْ وَإِيَّايَ  
بِتَقْوَى اللَّهِ فَقَدْ فَازَ الْمُتَّقُونَ.

سيدڱ جمعة يڱ درحمتي الله سبحانه وتعالى،

منبر جمعة سڪالي لاني برقسن سوقايا كيت  
سنتياس برتقوا كقد الله سبحانه وتعالى، دان  
مپدري بهاوا اسلام مڱاجر كيت سوقايا برسيكف  
سدرهان دالم سڪالا عملن. كيت امتله دتونوت  
اكر منمڱيلكن كمولياءن أخلاق، سيكف دان  
كقريبادين تيڱكي كران رسول الله ﷺ داوتوس  
اونتوق مپمڱورناكن أخلاق دان سباكاي رحمة





باكي سلوروه اومت دان سكالين عالم. اوليه ايت  
ماريله كيت سنتياس ممقربايقكن صلوات دان  
سلام كآتس نبي كيت محمد ﷺ. فرمان الله  
سبحانه وتعالى:

إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ آمَنُوا  
صَلُّوا عَلَيْهِ وَسَلِّمُوا تَسْلِيمًا.

اللَّهُمَّ صَلِّ وَسَلِّمْ عَلَى سَيِّدِنَا وَمَوْلَانَا مُحَمَّدٍ سَيِّدِ  
الْمُرْسَلِينَ وَارْضَ اللَّهُمَّ عَنْ أَصْحَابِهِ وَقَرَابَتِهِ وَأَزْوَاجِهِ  
وَذُرِّيَّاتِهِ أَجْمَعِينَ.

اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ  
وَالْمُؤْمِنَاتِ الْأَحْيَاءِ مِنْهُمْ وَالْأَمْوَاتِ، إِنَّكَ سَمِيعٌ قَرِيبٌ  
مُجِيبُ الدَّعَوَاتِ وَيَا قَاضِيَ الْحَاجَاتِ. اللَّهُمَّ أَعِزِّ  
الْإِسْلَامَ وَالْمُسْلِمِينَ، وَأَهْلِكَ الْكُفْرَةَ وَالْمُبْتَدِعَةَ  
وَالْمُشْرِكِينَ وَدَمِّرْ أَعْدَاءَكَ أَعْدَاءَ الدِّينِ. وَانصُرْنَا  
عَلَى الْقَوْمِ الْكَافِرِينَ.

اللَّهُمَّ إِنَّا نَسْأَلُكَ وَنَتَوَسَّلُ إِلَيْكَ بِنَبِيِّكَ الْأَمِينِ،  
وَنَسْأَلُكَ بِأَسْمَائِكَ الْحُسْنَى، وَصِفَاتِكَ الْعُظْمَى، أَنْ



تَحْفَظَ بِعَيْنِ عِنَايَتِكَ الرَّبَّانِيَّةَ، وَبِحِفْظِ وَقَايَتِكَ  
 الصَّمَدَانِيَّةِ، جَلَالَةَ مَلِكِنَا الْمُعْظَمِ، سُلْطَانَ سَلَاطُورِ،  
 سُلْطَانَ شَرْفِ الدِّينِ ادریس شاه الحاج ابن  
 المرحوم سُلْطَانَ صَلَاحِ الدِّينِ عبد العزيز شاه  
 الحاج. اَللّٰهُمَّ اَدِمِ الْعُوْنَ وَالْهِدَايَةَ وَالتَّوْفِيقَ،  
 وَالصِّحَّةَ وَالسَّلَامَةَ مِنْكَ، لِوَلِيِّ عَهْدِ سَلَاطُورِ، تَعْكُو  
 اَمِيرِ شَاهِ ابْنِ السُّلْطَانَ شَرْفِ الدِّينِ ادریس شاه  
 الحاج، فِي اَمْنٍ وَصَلَاحٍ وَعَافِيَةٍ بِمَنِّكَ وَكَرَمِكَ يَا  
 ذَا الْجَلَالِ وَالْاِكْرَامِ. اَللّٰهُمَّ اَطْلُ عُمْرَهُمَا مُصْلِحَيْنِ  
 لِلْمُوظَّفَيْنِ وَالرَّعِيَّةِ وَالْبِلَادِ، وَبَلِّغْ مَقَاصِدَهُمَا لِطَرِيقِ  
 الْهُدَى وَالرِّشَادِ.

يا الله، اعاكوله توهن يغ مها بركواس، كامي  
 برشكور كحضرتمو يغ تله مغورنياكن كامي رحمة  
 دان نعمة، سهيغك كامي داقت منروسكن اوسها  
 كاره ممقركوكوهكن نكارا اومت إسلام، سباكاي  
 نكري يغ ماجو، سجهترا دان بركباجيقن دباوه



ناءوغن دان قيمئين راج كامى سباڭاي كتوا اگام  
إسلام دنڭري اين.

جوسترو كامى قوهون كحضرتمو يا الله،  
تتفكنله ايمان دان فكغن كامى كقد أهل السنة  
والجماعة، تريماله عمل صالح كامى، سوپوركنله  
جيووا كامى دغن بودي فكري يغ موليا، ساتوكنله  
هاتي ۲ كامى، كورنياكنله كامى رزقي يغ لواس لاني  
بركة، كاياكن كامى دغن علمو يغ برمنفعة،  
ليندوغيله كامى درقد بالا بنچان دان قلهاراله كامى  
درقد اجرن يغ تركلوار درقد اسلام سفرتي قدياني  
دان اجرن سست سفرتي شيعة، سرتا اجرن ۲  
لاءين يغ دفتواكن مپليويغ داري اجرن اسلام اتاو  
برتنغن دغن فكغن أهل السنة والجماعة. يا الله  
بوكاكنله هاتي كامى اونتوق منديريكن صلاة فرض  
ليم وقتو، منوناينكن زكاة ملالوئي لمباڭ زكاة  
سلاڭور، موقف دان مغيئفاقن هرتا ملالوئي



قربادنن وقف سلاغور دان تابوع امانه قмбаغونن  
اسلام سلاغور.

رَبَّنَا هَبْ لَنَا مِنْ أَزْوَاجِنَا وَذُرِّيَّاتِنَا قُرَّةَ أَعْيُنٍ وَاجْعَلْنَا  
لِلْمُتَّقِينَ إِمَامًا. رَبَّنَا ءَاتِنَا فِي الدُّنْيَا حَسَنَةً وَفِي الْآخِرَةِ  
حَسَنَةً وَقِنَا عَذَابَ النَّارِ.

عِبَادَ اللَّهِ، إِنَّ اللَّهَ يَأْمُرُ بِالْعَدْلِ وَالْإِحْسَانِ وَإِيتَايَ ذِي  
الْقُرْبَىٰ وَيَنْهَىٰ عَنِ الْفَحْشَاءِ وَالْمُنْكَرِ وَالْبَغْيِ  
يَعْظُمُ لِعَلَّكُمْ تَذَكَّرُونَ ﴿٩٠﴾

فَاذْكُرُوا اللَّهَ الْعَظِيمَ يَذْكُرْكُمْ وَاشْكُرُواهُ عَلَىٰ نِعَمِهِ  
يَزِدْكُمْ، وَاسْأَلُوهُ مِنْ فَضْلِهِ يُعْطِكُمْ وَلَذِكْرُ اللَّهِ أَكْبَرُ  
وَاللَّهُ يَعْلَمُ مَا تَصْنَعُونَ.

\*\*\*\*\*